

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» հոկտեմբերի 2014թ.

N ----Ա

**ՈՐՈՇՈՒՄ**

**ԿԱՐԻՆԵ ՍՈՒՐԵՆԻ ԴԱՆԻԵԼՅԱՆԻՆ  
«ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 35-րդ կետի դրույթներով և հիմք ընդունելով Երևանի քաղաքապետի առաջարկությունը՝

**Երևան քաղաքի ավագանին որոշում է.**

Երևան քաղաքի 2796-րդ տարեդարձի առթիվ, գիտական, մանկավարժական, հասարակական նշանակալի գործունեություն ծավալելու, բազմամյա վաստակի և անմնացորդ աշխատանքի համար պրոֆեսոր, բնապահպան, «Հանուն կայուն մարդկային զարգացման» ասոցիացիայի նախագահ Կարինե Սուրենի Դանիելյանին շնորհել «Երևանի պատվավոր քաղաքացի» կոչում:

**ԵՐԵՎԱՆԻ ՔԱՂԱՔԱՊԵՏ**

**Տ.ՄԱՐԳԱՐՅԱՆ**

## ՏԵՂԵԿԱՆՔ-ՀԻՄՆԱՎՈՐՈՒՄ

### «ԿԱՐԻՆԵ ՍՈՒՐԵՆԻ ԴԱՆԻԵԼՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ՎԵՐԱԲԵՐՅԱԼ

Կարինե Սուրենի Դանիելյանը ծնվել է **1947** թվականի հունիսի **9**-ին, Երևանում:

**1970** թվականին ավարտել է Երևանի պետական համալսարանի կենսաբանական ֆակուլտետի կենսաֆիզիկայի բաժինը:

**1971-1974** թթ. սովորել է ՀՀ ԳԱԱ ասպիրանտուրայում:

**1975** թ.-ին Կ.Դանիելյանին շնորհվել է կենսաբանական գիտությունների թեկնածուի կոչում:

**1976-1980** թթ. եղել է ԳԱԱ էքսպերիմենտալ կենսաբանության ինստիտուտի կրտսեր գիտական աշխատող:

**1980-1985** թթ. եղել է ԳԱԱ կենսալոբորտի հիմնախնդիրների գիտական խորհրդի գիտական քարտուղար:

**1985-1990** թթ. եղել է ՀԽՉ Կառավարությանն առընթեր Գիտատեխնիկական ինֆորմացիայի ինստիտուտի վարչության պետ:

**1990-1991** թթ. Կ. Դանիելյանը նշանակվել է Երևան քաղաքի փոխքաղաքապետ՝ բնապահպանության և առողջապահության գծով, իսկ **1991-1994** թթ.-ին՝ ՀՀ բնապահպանության նախարար:

**1994-1996** թթ.-ին եղել է ԵՊՀ դոկտորանտ:

**1996** թվականին Կ. Դանիելյանին շնորհվել է ԵՊՀ դոցենտի կոչում: Նույն թվականից հանդիսանում է «Հանուն կայուն մարդկային զարգացման» ասոցիացիայի նախագահը:

**1998** թ.-ից՝ Միջազգային էկոլոգիական ակադեմիայի իսկական անդամ:

**1999** թ.-ին շնորհվել է աշխարհագրական գիտությունների դոկտորի կոչում:

**2009** թվականից առ այսօր Կ. Դանիելյանը հանդիսանում է ՀՀ Նախագահին առընթեր Հանրային խորհրդի անդամ:

**2009** թվականից հանդիսանում է ՀՀ Նախագահին առընթեր Սևանա լճի հիմնախնդիրների հանձնաժողովի անդամ:

**2010** թվականին Կարինե Սուրենի Դանիելյանին շնորհվել է պրոֆեսորի կոչում:

**2012** թվականին Կ.Դանիելյանը պարգևատրվել է «Անանիա Շիրակացի» մեդալով:

Պրոֆեսոր Կ.Դանիելյանը հեղինակել է շուրջ **270** գիտական հոդվածներ և մենագրություններ:

Ելնելով վերոգրյալից և հաշվի առնելով պրոֆեսոր Կ.Դանիելյանի բազմամյա վաստակը, գիտության բնագավառում ներդրած նշանակալի ավանդը, ինչպես նաև

հասարակական և մանկավարժական մեծ գործունեությունը, առաջարկվում է Կարինե Սուրենի  
Դանիելյանի շնորհիվ «Երևան քաղաքի պատվավոր քաղաքացի» կոչում և Երևանի ավագանու  
քննարկմանն է ներկայացվում սույն որոշման նախագիծը:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

**ՏԵՂԵԿԱՆՔ**

**«ԿԱՐԻՆԵ ՍՈՒՐԵՆԻ ԴԱՆԻԵԼՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ»  
ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ  
ՎԵՐԱԲԵՐՅԱԼ ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ  
ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ  
ՄԱՍԻՆ**

«Կարինե Սուրենի Դանիելյանին «Երևանի պատվավոր քաղաքացի» կոչում շնորհելու մասին»  
Երևանի ավագանու որոշման նախագծի ընդունման կապակցությամբ այլ իրավական ակտերում  
լրացումներ և/կամ փոփոխություններ կատարելու անհրաժեշտություն չի առաջանում:

**ՏԵՂԵԿԱՆՔ**

**«ԿԱՐԻՆԵ ՍՈՒՐԵՆԻ ԴԱՆԻԵԼՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ»  
ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ  
ԸՆԴՈՒՆՄԱՆ ՎԵՐԱԲԵՐՅԱԼ ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ  
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ  
ԿԱՏԱՐԵԼՈՒ ՄԱՍԻՆ**

«Կարինե Սուրենի Դանիելյանին «Երևանի պատվավոր քաղաքացի» կոչում շնորհելու մասին»  
Երևանի ավագանու որոշման նախագծի ընդունման կապակցությամբ Երևանի բյուջեում լրացումներ  
եվ/կամ փոփոխություններ կատարելու անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ.ՄԱՐԳԱՐՅԱՆ**